



LE GOUVERNEMENT
DU GRAND-DUCHÉ DE LUXEMBOURG
Ministère de l'Environnement, du Climat
et du Développement durable

Äntwert vun der Ministesch fir Ëmwelt, Klima an nohalteg Entwécklung op d'parlamentaresch Fro n°7516 vum 26. Januar 2023 vun der éierewäerter Deputéierten Madamm Martine Hansen iwwert den "Changement d'affectation d'un fonds forestier"

1. Wéi vill Demandë goufen zanter 2018 agerecht di sech op de besoten Artikel 13 vum Naturschutzgesetz referenzéieren?

Sait 2018 koumen 32 Demanden am Kader vum besoten Artikel eran.

2. Wéi vill dovunner goufen der accordéiert, respektiv refuséiert?

Accordéiert goufen der 13, refuséiert och 13. 3 weider Demanden goufen deelweis autoriséiert an 3 sinn der nach a Bearbechtung.

3. Wat si méiglech Grënn fir en Refus?

Méiglech Grënn fir ee Refus kënnen sinn datt den envisagéierte Changement:

- vu vireran net kompatibel mat den Dispositiounen vum Naturschutzgesetz ass, dat jo, fir eise Bëschbestand ze schützen, esou Changementer nëmmen an Ausnahmefäll zouléisst. Déi Ausnahmefäll sinn d'Utilité publique an d'Restrukturatioun vun de landwirtschaftleche Parzellen fir dës besser kënnen ze bewirtschaften;
- géing wichteg Liewensraim oder Leitstrukturen zerstéieren.

Wann esou ee Changement erlaabt gëtt, muss de Verloscht duerch Neiplanzungen oder Neischafunge vun Liewensraim kompenséiert ginn.

4. Wat ass aktuell déi legal Definitioun vun engem Fonds forestier?

Am Moment gëtt et zu Lëtzebuerg nach keng Definitioun vum Fond forestier an engem legislativen Text. Am Gesetzesprojet n°7255 iwwer d'Bëscher ass am Artikel 2, Punkt 6, eng Definitioun fir de Bësch virgesinn:

6° « forêt », les terrains occupant une surface de minimum 25 ares et présentant une formation végétale composée, en termes de recouvrement des cimes, d'au moins 20 pour cent d'espèces arborées pouvant atteindre au minimum 5 mètres de hauteur à l'âge adulte. La composition de la formation végétale est appréciée en termes de recouvrement des cimes. Le recouvrement correspond à la projection verticale au sol des cimes des espèces arborées. La surface minimum est appréciée sans tenir compte des limites cadastrales ou de l'effet séparatif des cours d'eau et des voies ouvertes au public, à l'exception des autoroutes, des voies ferrées et des cours d'eau d'une largeur supérieure à 10 mètres entre la crête des berges;

Font également partie de la « forêt » :

- (a) les fonds boisés par le passé qui sont en cours de régénération ;*
- (b) les fonds boisés par le passé, qui se trouvent depuis moins de 10 ans dans un état entièrement ou partiellement déboisé et dont le changement d'affectation n'a pas été autorisé conformément à l'article 13 de la loi modifiée du 18 juillet 2018 concernant la protection de la nature et des ressources naturelles ;*



(c) les fonds non boisés par le passé ayant fait l'objet d'un boisement autorisé conformément à l'article 14 de la loi modifiée du 18 juillet 2018 concernant la protection de la nature et des ressources naturelles ;

(d) les fonds non boisés et non bâtis, enclavés en forêt, d'une superficie jusqu'à 50 ares ;

(e) les sentiers et chemins aménagés en forêt.

Am Kader vun den Demandë gëtt de Fonds forestier momentan dann och an deem Sënn considéiert.

5. Wat sinn d'Critèren oder vill méi d'maximal Flächegréisste vun engem Déboisement marginal?

D'Gesetz gesäit keng maximal Flächegréisste vir. Aus de parlamentaresch Dokumenter erginn sech awer folgend 3 Kritären déi den "déboisement marginal" mindestens erfëlle muss:

- D'Bëschfläch ass ugrenzend un Akerflächen;
- Den Deboisement huet als Zil dem Exploitant seng Aarbecht ze vereinfachen;
- Den Deboisement däerf net als eenzegt Zil hunn d'Akerfläch ze vergréisseren.

6. Stëmmt et dat den Ëmweltministère an eenzele Fäll en Refus d'autorisatioun domadder motivéiert huet, dat de Bësch net ugrenzend un d'Betriebsgebäier war? Wann jo, wouduerch motivéiert den Ministère des Argumentatioun, wëssentlech dat den Artikel 13 vum modifizéierten Naturschutzgesetz, an och am Commentaire des articles, dozou keng Restriktioun festleeën?

Et si keng sou Refusen bekannt.

7. Gëtt et eng national Definitioun vum Parcelaire agricole, wëssentlech dat et heizou eng europäesch Gesetzgebung am Kader vun der Agrarpolitik gëtt, déi dëst festleet?

Eng Definitioun vum Terme "Parcelaire agricole" an der lëtzebuenger Gesetzgebung ass net bekannt.

8. No wéi enge Critère entscheed d'Ëmweltverwaltung op di folgend Bedéngung "faciliter le travail des exploitants agricoles" erfëllt ass?

Fir kënnen geneemegt ze ginn, muss et sech em eng Vereinfachung vun den Aarbechtsofleef um Stéck selwer handelen. Dat heefegst Beispill wou de Kritär erfëllt ass, ass d'Vergréisserung oder ee neien Accès an ee Stéck (z.B. well den Turnus vum bestoenden Accès ze kleng ass) oder eng méi rechteckeg Ausrichtung vum Stéck fir d'Unzuel vun de Kéiermanöveren an den "double emploi" ze reduzéieren. Dëst kennt regelméisseg vir, well d'Maschinen ëmmer méi grouss ginn.

Ofschlëssend kann ee präziséieren, dass d'Ëmweltverwaltung hei net involvéiert ass. Et ass d'Naturverwaltung déi dës Dossieren traitéiert an de Minister fir Ëmwelt deen Entscheedungen hëllt.

Lëtzebuerg, de 6. Mäerz 2023

(s.) Joëlle Welfring

Ministesch fir Ëmwelt, Klima an nohalteg Entwécklung